



Broj:
Maglaj:

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 46/06 i 51/09), člana 18. Statuta Općine Maglaj-prečišćen tekst ("Službene novine Općine Maglaj", broj: 8/07, 3/08 i 6/08), a u vezi sa zahtjevom Javne ustanove "Dječiji vrtić" Maglaj, broj:15/22 od 02.02.2022.godine, Općinsko vijeće na sjednici održanoj dana 2022.godine, d o n o s i

O D L U K U
o davanju prethodne saglasnosti za veći broj upisane djece
u Javnu ustanovu "Dječiji vrtić" Maglaj

Član 1.

Javnoj ustanovi "Dječiji vrtić" Maglaj daje se prethodna saglasnost da u grupama može imati i veći broj upisane djece od broja djece u odgojnoj grupi za 10%, a što je utvrđeno Pedagoškim standardima i normativima za predškolski odgoj i obrazovanje.

Član 2.

Ova Odluka stupa na snagu danom donošenja i ima se objaviti u "Službenim novinama Općine Maglaj".

DOSTAVLJENO:

- 1.Javna ustanova "Dječiji vrtić" Maglaj
- 2.U spis
- 3.a/a

PREDSJEDAVAJUĆA
Svjetlana Zamboni

O b r a z l o ž e n j e

Javna ustanova "Dječiji vrtić" Maglaj pisanim zahtjevom broj:15/22, dana 02.02.2022.godine obratila se Općini Maglaj, kojim je tražila saglasnost, da može imati veći broj upisane djece od broja djece u odgojnoj grupi, a što je utvrđeno Pedagoškim standardima i normativima za predškolski odgoj i obrazovanje, odnosno istim je jasno naznačeno koliko djece može biti minimalno, optimalno i maksimalno u odgojnim grupama.

U Poglavlju II. Odgojno-obrazovni rad predškolske ustanove, Odjeljak B. Standardi i normativi, član 28. (Pedagoški standardi i normativi) stav (1) Zakona o predškolskom odgoju i obrazovanju ("Službene novine Zeničko-dobojskog kantona", broj:7/10 i 8/12) propisano je da se predškolski odgoj i obrazovanje u javnoj i privatnoj predškolskoj ustanovi realizuje na temelju pedagoških standarda i normativa.

Pedagoški standardi i normativi za predškolski odgoj i obrazovanje ("Službene novine Zeničko-dobojskog kantona", broj:2/11) u Poglavlju IV. Broj djece u odgojnim grupama propisuju da "Odgojno – obrazovne aktivnosti u predškolskoj ustanovi ili drugi oblici organizovanog okupljanja djece predškolske dobi izvode se u odgojnim grupama i to po određenom broju djece, zavisno od dobi djece i obliku organizovanja odnosno vrsti i trajanju programa, te sposobnostima, potrebama i interesima djece i roditelja.

Izuzetno, zavisno od uslova rada (zavisno od prostornih uslova), potrebama djece i roditelja, ustanova može, uz prethodnu saglasnost osnivača, u grupama imati i veći broj upisane djece od broja djece u odgojnoj grupi utvrđenog ovim standardima za 10%.

Shodno navedenom, te u skladu sa Zakonom o predškolskom odgoju i obrazovanju ("Službene novine Zeničko-dobojskog kantona", broj:7/10 i 8/12), drugi dio-Osnivanje i organizacija predškolske ustanove, Poglavlje I. osnivanje, Odjeljak A. Osnivanje ustanove, u članu 15. tačka 2. propisano je da "Javnu predškolsku ustanovu osniva općinsko vijeće, u skladu sa načelima, standardima i normativima utvrđenim ovim zakonom i ostalim uvjetima i kriterijima utvrđenim propisima u području odgoja i obrazovanja", a obzirom da je Općinsko vijeće osnivač Javne ustanove "Dječiji vrtić" Maglaj, predlaže se donošenje Odluke o davanju prethodne saglasnosti za veći broj upisane djece u Javnu ustanovu "Dječiji vrtić" Maglaj.

Pravni osnov za donošenje predmetne Odluke sadržan je u članu 13. Zakona o principima lokalne samouprave u Federaciji Bosne i Hercegovine („Službene novine Federacije BiH", br. 49/06 i 51/09) kojim je općinsko vijeće definisano kao organ odlučivanja i članu 18. Statuta Općine Maglaj-prečišćen tekst ("Službene novine Općine Maglaj", broj: 8/07, 3/08 i 6/08), kojim su definisane nadležnosti općinskog vijeća.

Obrađivač: Emina Hasanić

